

Soalan 1 – 7

Lengkapkan ayat-ayat yang berikut dengan memilih jawapan yang paling sesuai.

Soalan 1 berdasarkan gambar di bawah.



- 1 Ramli _____ akar pokok ketika berjalan di dusun datuknya.
A terkehel
B tergelincir
C terjelepek
D tersadung
- 2 Zarina _____ gambar itu lama-lama kerana menyerupai wajah arwah adik kesayangannya.
A melirik
B menatap
C meninjau
D mengintai
- 3 Pihak polis melakukan _____ secara teliti sebelum membuat keputusan untuk menangkap penagih dadah itu.
A kaji selidik
B soal jawab
C soal siasat
D soal selidik
- 4 Barang kemas itu disimpan oleh Dewi _____ dalam sebuah almari.
A di
B ke
C dari
D pada
- 5 Pembentangan kertas kerja tentang amalan berjimat cermat itu disampaikan oleh _____ dari Universiti Malaya.
A karyawan
B perunding
C sasterawan
D cendekiawan

- 6 "_____, sakitnya gigi geraham saya ini!" kata Borhan kepada ibunya.

A Cis
B Nah
C Aduh
D Aduhai

- 7 Nenek membeli lima _____ petai untuk membuat sambal tumis ikan bilis petai.

A kerat
B papan
C batang
D tangkai

Soalan 8

Ayat di bawah mungkin betul dan mungkin salah. Jika terdapat kesalahan, kesalahan itu telah ditandakan dengan A, B atau C dan jika tiada kesalahan telah ditandakan dengan D. Pilih jawapan yang paling sesuai.

- 8 Ibu menyediakan senarai yang diperlukan untuk memasak kek sarang lebah. Tiada kesalahan
A
B
C
D

Soalan 9

Pilih ayat yang menggunakan perkataan berhuruf condong dengan betul.

- 9 I Air mata Faridah gugur apabila mendapat perkhabaran tentang ayahnya di kampung.
 - II Anggota polis yang gugur semasa peristiwa Bukit Kepong akan sentiasa dikenangi oleh rakyat Malaysia.
 - III Hak Tok Karim sebagai pemegang amanah cucunya gugur setelah cucunya itu mencapai umur 18 tahun.
 - IV Wang yang diberikan oleh ayah untuk membayar duit langganan majalah gugur dari poketnya.
- A I dan II sahaja
B III dan IV sahaja
C I, II dan III sahaja
D II, III dan IV sahaja

Soalan 10

Bahagian yang bergaris dalam ayat berikut mungkin mengandungi kesalahan penggunaan bahasa atau mungkin juga tidak. Tandakan sama ada A, B atau C jika ayat itu mengandungi kesalahan dan tandakan D jika tiada kesalahan.

- 10 Pemilihan peserta ke pertandingan forum peringkat kebangsaan dibuat adalah berdasarkan kepada keputusan markah peringkat daerah.
- A berdasarkan keputusan
 - B ialah berdasarkan keputusan
 - C adalah berdasarkan keputusan
 - D adalah berdasarkan kepada keputusan

Soalan 11

Pilih ayat yang mempunyai maksud yang sama atau maksud yang paling hampir dengan ayat yang dicetak tebal.

- 11 Gempa bumi yang sering berlaku di pulau peranginan itu menyebabkan pelancong asing enggan berkunjung ke situ.
- A Gempa bumi di pulau peranginan itu sering berlaku kerana tidak dikunjungi pelancong asing.
 - B Pelancong asing gemar berkunjung ke pulau peranginan yang sering dilanda gempa bumi.
 - C Pulau peranginan itu dihindari oleh pelancong asing kerana kerap dilanda gempa bumi.
 - D Pulau peranginan itu sering dikunjungi oleh pelancong asing kerana jarang dilanda gempa bumi.

Soalan 12 – 13

Pilih ayat-ayat yang betul.

- 12 I Gigi Halina yang jarang-jarang itu menyebabkan cita-citanya untuk menjadi seorang model terbantut.
- II Halaman rumah yang dipenuhi dengan daun kering telah disapu oleh saya sebentar tadi.
- III Pasukan bola sepak Johor yang muncul juara perlawanan akhir Piala Malaysia 20__ telah dibawa berarak di dalam sebuah bas yang tidak berbumbung.

IV Arif terpesona apabila melihat segugus bintang berkerdipan di langit pada malam itu.

- A I dan II sahaja
- B III dan IV sahaja
- C I, II dan III sahaja
- D II, III dan IV sahaja

- 13 I Semua sayur-mayur yang dijual di pasar itu segar-bugar belaka.
- II Ibu membekalkan sesikat pisang untuk ayah dan abang yang pergi menebas lalang di kebun.
- III Daneng telah membelikan oleh-oleh yang cukup istimewa dari Paris untuk ibu kesayangannya.
- IV Budak-budak lelaki itu pernah bermain bola di padang walaupun hujan semakin lebat.
- A I dan II sahaja
 - B II dan III sahaja
 - C I, II dan III sahaja
 - D II, III dan IV sahaja

Soalan 14 – 15

Pilih peribahasa yang paling sesuai.

- 14 Pekerja asing yang datang bekerja ke Malaysia perlulah menghormati undang-undang di negara ini dan tidak melanggar nilai dan norma masyarakat setempat.

Pernyataan di atas sesuai dengan peribahasa

- A berpantang maut sebelum ajal.
- B sudah terhantuk baru tengadah.
- C ingat sebelum kena, jimat sebelum habis.
- D masuk kandang kambing mengembek, masuk kandang kerbau menguak.

- 15 Peribahasa yang berikut mempunyai kaitan rapat dengan semangat perpaduan dan kerjasama yang erat, **kecuali**

- A bagai aur dengan tebing.
- B biar putih tulang, jangan putih mata.
- C ke bukit sama didaki, ke lurah sama dituruni.
- D bulat air kerana pembetung, bulat kata kerana muafakat.